

謝洪賚先生遺著

廬
隱
筆
記
四
種

廬隱筆記四種

目次

第一種

名人家訓鈔

第二種

典喻影道錄

第三種

科學常識

第四種

軒渠今錄

廬隱筆記四種

謝洪賚遺著

名人家訓鈔（廬隱筆記四種之一）

（一）海馬太訓子書

英人海馬太者，生於三百年前，爲正直之刑官，民到於今稱之。其訓子書論言語一首，尤爲英士所愛誦，茲從英文千首集中譯出，以作青年修德之助。

愛兒知悉。吾賴天恩，今日五時安抵華嶺東地方。客寓多暇，無以消遣，莫如以良言貽我愛子，今日祇能注意於言語一節，蓋世人多少利害成敗俱由言語造成，故爲人生第一當注意者。他日有暇，更當別及他題也。

汝心中所知覺爲虛妄者，勿言之似實事。謊言乃逆上帝之大過。上帝以舌與人，何嘗教以作謊言乎？謊言亦傷人類，因社會往來，全恃以信相孚，否則百事何以成立。抑謊言亦大害自身，不但謊爲危險，即蒙羞恥，且此習一染，則心遂卑陋，以後不復有力以去妄而成誠，久之失其信用，而自己亦

不覺其語爲誠爲妄矣，噫可懼也。勿作詭語固矣，尤不可偶近之。如述他人之言語，或表一己之逆隱，均不得作實說口氣。以其迹近於不誠也。吉人之辭寡，古有明訓，尊長及生人在前，尤宜寡言。恐露汝等淺鄙之實，阻彼教之談論。而汝卽不得多領教也。談話勿過於激烈高聲，亦勿犷猛。駁反對者之言論，當用事理。勿用聲音。他人言語時，勿遽打斷，且徐待其言畢，則汝於彼之意旨，益能清楚，而答語亦益週到。凡出言必先思慮。遇重要之事，尤當注意。心中當度量如何用意，如何運詞，方可有力量有成效，而且不取人嫌。世人有不思卽言者，或先言後思者，皆無識之徒也。人之專長不一，有長於農田者，有長於治圃者，有長於算學者，與人談論時，當盡力探其所長，導使暢論，此端汝曹緊記之。或鈔錄紙上，是則汝所與談者之長處，俱爲汝所探得。積之可作後來之用。此爲益智妙法，最便捷亦最有趣味。與輕妄夸詡者同坐，則汝曹益當見而自儆，謹言飭行，不蹈此輩惡習，如見有素日誠樸莊重之士，忽發奇異之言論，且勿遽信。苟非至友，亦勿遽加駁詰。汝曹必不得已，當陳意見，則用婉轉圓到之語出之，勿因徑直開罪於彼，是則既免輕信之惑，又不取人之厭。言語之間，慎勿自譽。苟人而待己否之稱譽，則其人之名譽亦可見矣。且此事最惹人嫌，宜切戒之。華中談論，宜

隨時稱不在前者之長，切勿道人之短。如因勗人改過，戒人辟害，始可謹慎出之。冒人咒人，輕易出誓，俱爲惡習，宜痛戒。見人容貌才幹，天生短處，切勿譏諷取笑。此等言動，受者最易積恨，往往蓄意報復，受其大害。慎勿以惡言向人，善語得朋友，惡言得讎敵。人生世上，用正當之法得友，愈多愈佳。况用善言得之，因屬最易之舉乎。若因惡言，自造仇敵，在彼既痛恨於我，在我更空無所得，是豈非大愚之行止乎。見人有過，身爲朋友，不得不規正。如爲長上，更不得不指責。然亦當和平溫柔以出之，不得含恨毒之意，恐規正之效未見，而反激其怨憤也。遇有氣急之人，以惡言相加，汝曹怒之不如憐之。應對之法，以靜默或溫語爲上策。蓋其人受之，必息其怒，或且自懟甚深云。無問何時，勿以聖經及宗教之語，作戲耍之用。凡稱上帝之名，引聖經之語，宜鄭重出之，恐蹈違犯二誡也。今日所欲言者，略盡於此。惟汝曹果克記憶爲盼，每日之始終，均宜祈禱，讀聖經無間，亦不輕忽，赴上帝禮堂，不可作輟。平日習作有益事業，因閒暇爲幻想惡念之媒。腐心術，敗人品，盡由於此。汝曹兄弟，宜互相友愛，見教牧宜敬禮，待僕隸勿呵斥，向大衆致敬。我不在家之時，汝曹勿過於思念。但當欣然度日，如我在家無異。當知我與汝曹，同有在天之天。無時無地，不見汝所爲，知汝所思。吾爲父者

廬隱筆記 第一種 名人家訓鈔

四

既愛護汝曹，汝宜盡孝敬順從之意，以報償親恩，爲人生樂事。家中勿浪費，亦勿苛刻。遇貧困者，當隨時周給。我祈上帝錫汝曹以恩賜，仁愛，畏懼。使汝知敬事上帝者，何等有福，願上帝恆偕汝曹。

愛父海馬太字

(二) 彭端叔訓子書

彭端叔爲學一首示子姪曰：「天下事有難易乎？爲之則難者亦易矣，不爲則易者亦難矣。人之爲學有難易乎？學之則難者亦易矣，不學則易者亦難矣。吾資之昏不逮人也，吾材之庸不逮人也，且且而學之，久而不怠焉，迄乎成而亦不見其昏與庸也。吾資之聰倍人也，吾材之敏倍人也，若屏棄而不用，其昏與庸無以異也。聖人之道卒於魯也傳之，然則昏庸聰敏之用，豈有常哉？蜀之鄙有二僧，其一貧，其一富。貧者語於富者曰：『吾欲之南海，何如？』富者曰：『子何恃而往？』曰：『吾一瓶一鉢足矣。』富者曰：『吾數年來欲買舟而下，猶未能也，子何恃而往？』越明年，貧者自南海還，以告富者，富者有慚色。西蜀之去南海，不知幾千里也。僧之富者不能至，而貧者至之。人之立志，顧不如蜀鄙之僧哉。是故聰與敏可恃而不可恃也。自恃其聰與敏爲不學者，自敗者也。昏與庸可限而不

可限者也。自限其昏與庸，而力學不倦者，自力者也。

(三) 詮疏家亨利氏訓子書

英國聖經註疏家有姓亨利名馬太者，名牧師也。其父亦虔敬之道學士，以四事訓其子女曰：

一 宜憶造爾之主宰。不但憶已有創造之主宰已也，且不忘愛之畏之，且服事之。

二 來就耶穌基督。經云：「凡人已聞且學於天父，當來就我。主乃召爾，勉爾來就，決不棄逐爾。」

三 負少年之軛。何謂軛，少年所不喜擔負之事也。但彼等擔負之，誠爲有益之舉。有十架之軛，如上帝令汝遇艱苦，勿怨憤，宜忍受，在學校困苦，可造成堅貞之人才。有基督之軛，其軛輕易，其命和平也。

四 避少年之慾。凡爲主所教者，必知此義。勿使愛逸樂之心，過守安息之聖潔。法利賽人曰：「此人非由上帝以其不守安息。」此語論當日之耶穌則非是，移之論今世之少年則甚合。

(四) 阿斯噶第二訓子書

瑞典王阿斯噶第二。訓子嚴，故今首革斯他伏第五。幹練有文武才。不愛國事之不治。錄其幼時

廬隱筆記 第一種 名人家訓鈔

六

受於父之家訓數則。

吾已飭文武官吏待汝一如常人。不因王子而有所寬容。有過必罰。有善亦賞。絲毫不假借。余之爲此。正以求汝之利益。汝無論居何高位。苟非汝用才德以得之。則於汝終無益。名位不足恃也。吾願汝習學一切學課。與尋常男子無異。不因身爲王子。而有他念。吾臣民深知大義。不因汝爲王子。而凡事另眼相看。汝求得國民之歡迎。則當立品樹學以得之。此外無他途也。是則他日汝當治民之日至。則可爲國家之元首。而措置裕如矣。凡作一事。祇辨其是非。勿自以爲有太子身分。汝苟不知守正而黜邪。則辱沒汝自己太子之名位矣。人而有名位。不足以爲榮。必其所行能副其名位。斯爲得之。汝之果克副此名位與否。惟在汝之心靈耳。閒惰無爲。不惟損已。而又損人。世上惟有閒惰之人。阻止世界之進步。如人人各勤其務。則天壤之間。更無廢事矣。故余所勗汝者。惟在勤動。惟在有用之勤動。作事當求人之有益。不僅顧一己之有利。

(五) 鉅商葉格思訓女書

美國支革哥大城鉅商曰葉格思有一女。鍾愛備至。父女相伴不輕離。女年漸長。父語之曰：「吾有

簡要之訓言數則，汝能細味而遵循之，則於汝一生必有大益。吾不強汝從之，然汝能聽老父之言，則將來必不至後悔也。」女能聽父言，卒成賢婦。葉之訓曰：「留意小事。情爲惡德，必竭汝之力，與之奮鬪。凡事將之以忠誠，必不喫虧。苟不自尊，則必不能得人之尊敬。欺詐之勝利，其逝也如矢。當知世間之機會，只待合此身分之人。對一切工作，當存愛重盡心之念，於汝自己之工，更宜如是。苟爲人誠實，然有怠惰之根性，則猶不足以自存。存心宜清潔，惡惡之與利達，不能並存。責任當汝之前，則持而受之，勿棄置之，因責任卽代表機會也。」

(六) 英文豪史各德訓子書

英國文豪史各德與子書曰：「吾欲汝緊記在心者，卽工作。乃上天特定各級人生必不可少之事。無貧人揮汗而得之飯食。富翁消閒而爲之遊戲。俱宜以工作爲之代價。若夫求知之道，何異耕耘。農夫不勤力作，則田無所穫。學子不勤肄習，則心無所益。農田時遇旱澇，或至失收。心田則無外事，可阻其收穫也。人又何苦不力學乎。少年之時，行止便捷，心思活潑，收吸知識，此時最利。苟春不力田，夏無所益，秋無所收，及冬徒悲，又何用耶。」

(七) 英王阿耳弗得訓子書

古英之賢王阿耳弗得大帝將逝世，語其子曰：「我愛子乎，來前我將語汝以真教訓。我子，我覺已將離世，吾年齡已高，吾面容已悴，吾與汝即將分別，而汝即將主持我之國事。願汝爲國民之父之主，爲孤兒之保母，爲嫠婦之良友，貧者慰安之，弱者護持之，凡有不義不直者，伸而正之。吾子乎，汝自治宜嚴正，悉合理，則上帝必愛汝，且獎賞汝。凡有不足，則當祈上帝之指導，彼將助汝以行汝所當行之事。」

(八) 汪璣訓子書

汪璣示兒曰：「六月中旬，見汝文二首於玠叔信中，若無蹈竊之弊，則筆路已清，從此猛向上去，孜孜無怠，自然日有不同矣。第今年十五歲，古者十五入大學，教之以修己治人之道，況文章小技乎。兒自六歲進學，十年中未嘗一日間斷，僅得如此亦可羞耳。勿謂父過言也。亟宜埋頭下死工夫，一塵勿染，處若忘，行若遺，然後乃有益。不然，悠悠忽忽，恐終不得上進，可惜了時光也。人生不滿百年，壽者只有八十七十，中壽六十五十止爾，五十以後則漸衰矣。十歲以前，又無所知識，中間僅得四

十年爾。此四十年中，世運之變遷，家道之隆替，父母妻子之所當爲者何限。其無所事事，只有十歲至二十歲，未婚之前數年，此數年中宜不啻如金惜之。兒今又度其半矣，如汝父今年三十九矣，回憶十五歲時，如昨日也。回憶十五歲時，雖甚愚，頗知向學。然綿綿延延，何期不多日而竟至三十九也。噫，今竟三十九歲矣，欲復求如十五歲時不可得矣。一事無成，擁被自思，無以爲心。清晨對鏡，無以施其面目。對人言語，無以爲顏。動息作爲，無以爲志氣。間欲攘臂思奮，不肯甘心汨沒，亦徒然耳。遲矣暮矣，無可如何矣。吾兒不必遠鑑，只以汝父爲鑑。日夜淬礪，勿效汝父至今日，徒自悲自怨也。亦非必倚吾兒爲我增光，但各人生世，須各人自力。人身難得，勿空出世一番，負此七尺，與腐草同朽爾。以上言語，乃汝父自歷自練之言，不得不爲吾兒痛切言之。兒今既識讀書，故以此示汝，聽與否？能擇與否？非我所知也。總之，禁足爲要，跬步不可出學門。子夏曰：「入見夫子之道而悅，出見紛華靡麗而悅，夫以聖人之徒尙不能保其出入之無異，況吾輩下乘乎。故讀書須先埋頭，先禁足。又曰：「不見可欲，使心不亂。」董子不窺園，正此意也。兒誠念夫韶光之易過，閒時之難得，戒汝父既覆之前車，思老大之徒悲，則自當片刻不敢自逸矣。

(九) 史丹和訓子書

英士史丹和生於十八世紀，世襲却斯斐侯爵。在當日宦途中，庸庸碌碌，無所表見，獨所遺訓子書數十通，不但行文雅潔，且陳義亦極清高，進言亦極婉轉，爲英文中之上品。英美二國學人，無不奉爲圭臬。今錄其訓惜陰一首。

世之人少知惜財而節用者，更少有知惜陰者。惜財與惜陰二者相比較，尤以惜陰爲要，余甚期望汝能於此二者用意。汝年已長，自宜以此二物，深長思念。青年之士，每以己爲富於春秋，雖任意妄耗時間，而所餘者，仍不憂缺乏。與富室子弟，自恃黃金不竭，耗財不惜，同一自欺之妄念。其爲害最烈，其悔恨每已太晚。昔余友司庫員外郎羅德士恆言曰：「留意本土，則金磅能自留意。」英國幣制，本土爲銅圓，金磅爲金圓，抵墨銀十圓，此語之意謂惜其小者，則大者自存也。」彼生平持此主義，故遺產頗豐。今歸其二孫。汝之所知也。余以爲惜陰之道，亦正如是。故命汝愛惜一日間之一刻十分零碎時間，卽常人所視爲無足輕重者也。譬如本約十二時，與人會晤。當十一時，先訪別友不晤，勿遂向咖啡店中閒坐，宜歸家作信，以便一到郵寄時刻，已可寄出。否則讀書，亦勝於耗時也。惟

讀書宜擇其有用者，無論詩文歷史哲學，俱選名人之作爲要。世人多因懶惰而失耗時間，此輩身倚眠椅，口作呵欠，以爲目下無暇作事，不妨緩待，此種習慣，最是不幸。妨害學問，亦妨害商業，汝求得人之尊敬，則必以勤敏了世事，今日所能爲之事，萬勿推至明日，辦事以敏捷爲第一著。求辦事之敏捷，則當立一定之規則。治日常之事，先自立一規則，苟非遇意外，則宜遵守不渝。譬如每日每星期，何時記帳結算，宜有一定時間，則汝於經濟上必不至受人之欺。又如信札契紙等，宜一分類存貯，則後日臨用，一檢便得，無勞焦急。閱書爲汝每日早晨之定課，亦宜有一定規則。當有秩序，勿凌亂，無一定之著作，無一定之論題。備摘記簿一冊，以助腦力之不及。讀史宜兼看地圖與年表，否則雜而不貫，更有一事爲余生平閱歷有得者，卽每日早起，宜有定時，則於幽靜之際，得一二時，可以獨坐閱書默思，最爲有益，且早起則自必早臥，於攝生之道，亦大有益，汝聞此言，或將作尋常少年之言曰：「規則最是困人，誰能耐繁碎如是。」但余語汝，此語非也，因循規則而行事，非徒不覺困人，反能使汝時間寬裕，尋樂亦更有滋味。汝若不信，祇需試行一月，如覺不便，再廢棄之，未爲晚也。且治事正可助游宴之興味，猶運動之助胃納也。

蘆隱筆記 第一種 名人家訓鈔

一二

(十) 陳幾亨訓子書

精神散，無微弗敗。精神聚，無鉅弗成。散不特晏安飽食，如一日之內，既讀經，又欲繙史。又欲觀世說小品，又欲作時藝，頭頭涉臘，便色色麤疏，此亦精神散也。後生習某經，且熟玩某經。習畢業，且專心舉業。不必以學不博才不高自愧，但去浮去雜，其成立當在高才博學者之前。異日讀一書，必得一書之力。爲一事，必奏一事之功。恃才泛濫，將貽後悔，況才短而泛濫，無少壯空努力也，與無所用心者相去幾希。

(十一) 李將軍訓子書

美國南北交關之時，南軍主將曰李，信義勇敢之偉人也，國人聞其名，俱起敬，譯其訓子語若干條，以覘英雄本色。

宜勤誦讀，積知識，習學向上帝向吾鄰之義務，是人生之目的也。

汝輩幼年當慎爲約束，心思言行，習有用之事業，求時時之進益，庶使在汝左右之人俱可得益。讀書音樂二事，習之俱足使人暢懷，故爲有益，人生在世，凡可以有用於世者，俱宜留意。

汝輩欲求朋友之記憶，則宜成有用之人，

汝曹素悉吾性不喜負債，至今不改，

汝宜整理屋宇，娶一淑女爲妻，則居家有伴侶，不致寂寞，更置壯牛一頭，製乳酪器一具，則日用無缺矣。

汝曹略經閱歷，即可知父母之愛，無以復加，雖外觀似不盡然，但其實則其愛子女之心，雖經艱難，歷年月，隔道路，而仍不變者也，汝曹自問己心，即當知如何報答之，

吾願汝曹有暇則讀書以益智，歷史實業書籍，俱宜溜覽，稗官小說，不必入目，看人事世情，須得其正面，庶汝曹一世自己既得樂趣，且可有益於人，迨長謝此世之際，亦無慙色。

勿多赴宴會，禮貌嗜好，宜簡而不繁，其中頗饒受用，汝曹苟衣服樸素，情致真摯，早起簡游，則愜余懷矣。

耕耘之爲業固勞，然亦多樂，每年所入雖微，然穩當妥貼，

汝曹遇艱難，勿退避，惟宜忍耐以勝之。

務農自不免遇歉收，然此亦自有益，蓋足以勵人之節儉見識，驅人出於堅忍勤勉之途也，此四者實可勝過萬事也。

汝年尚幼，如能修德勸業，則汝所期望者，俱能到手。

吾期汝愈能留意，使汝之親習者得喜樂，以此爲汝自己求樂之唯一法門也。

農人宜以辛苦與信任爲一生之格言。

爲人必須工作，能工作斯有益，心身俱沾其利，凡願工作者，其人格必因之而有進。

(十二) 拿坡侖致弟書

拿坡侖致弟書處世無論何事，須有明定之計畫。事前苟不熟思審慮，事後決無佳效。余之所以先事籌謀，不敢委心任運者，職是之由。

臨事之策略，無使悉受一人之節制。受一人之節制，其道甚危。

循預定之方鍼而行，則與倉卒赴事者迥異。苟臨時忽變方鍼，而不至於撓敗者，惟非常之才能之常人而亦如是。則必失所依據，無成功之希望也。（以上言謹慎）

行一事而不專心壹意。規定其條理。卽令幸有所成就。亦必不能滿意。用兵之道亦然。必攻守兼顧。有條不紊。始可以言戰。（以上言明察）

宜常抱樂觀主義。勿因小挫而喪志。更宜善保健康。勿稍存畏葸退怯之情。全勝之局。宜視之在我掌握中。（以上言信望）

用兵既決勝負之後。勝者與負者。形體上均無所改變。所不同者。其精神之作用耳。

時機一失。不可復得。故萬不容其放棄。倘已失時機。而強言其過不在己者。卽爲無價值之談。雖然。凡事莫不需時。事愈大。所需之時亦愈多。倘有一事必至一八一〇年而始成。卽不能望其成於一八〇七年也。

是以致勝之術。有時貴乎奮勇直前。有時亦須遲徊定計。惟遲徊也。乃至有臨事之悔。故當善作準備。以應諸般之橫逆。（以上言競勝）

既決定一事之必當行。則決努力以竟全功。勿事敷衍。勿存懦怯。卽出一言。發一令。亦須簡明堅決。勿稍示游移巽嘆之狀態。（以上言決斷）